

بالجمله محررات در سعادت پوسته خانه سته
تصوف جریده سی نامه کوندل لیدر .
قو طو نوروسی ۱۴۳

شرائط اشترا

سنه لکی ممالک عثمانیه ایچون
۳۰ غروش ، مصر وممالک اجنبیه
ایچون ۷ فراقدر .

تصوف

صاحب امتیاز و سر محرری
اورفه مبعونی

شیخ صفوت

مرکز توزیمی باب عالی جاده سنده
جمعیت کتبخانه سیدر

نسخه سی ۲۰ باره در

التصوف کله آداب : ابوحنس عمر بن مسلمه
عرفای امتک مقالات عارفانه لر بنه تصوفک صحیفه لر ی آجیقدر

تصوفه متعلق مباحث شتادن باحث و مکارم اخلاق اسلامیتک تعمیمنه خادم مجله معنویه در

تعارف روحانی

و

اتحاد و ترقی فرقه سنک اسراری

« ان النفوس لاجناد مجتدة
فی حضرة الجمع تبد و تم تنصرف
فما تعارف منها فهو مؤتلف
وما تناکر منها فهو مختلف »

مجلس مبعوثانک اکثریت عظیمه سی تشکیل ایدن
اتحاد و ترقی فرقه سیاسیه سنک افراد کرامی روم ایلی ،
اناطولی ، کردستان ، عربستان و افریقای عثمانی کبی
آفاق بعیده دن بردنبره مرکز خلافت اسلامیه ده اجتماع
ایلش اولدینی جهته اولجه ارالزنده مناسبات صوریه نک
موجود اولدینی جهه مزک معلومیدر بوفرقه نک تشکلاتنه
دائر شمدی بقدر جرائد سیاسیه ده جریان ایدن مناظرات
مختلفه صور ظاهره دائر سیله محدود و مقید بولندیغندن
تشکلات مذکوره نک اسرار لدنیه سی حقنده هنوز بر
سوز سولنهامشدر .

روحانیتک علویت و عظمتنه عطف انظار دقت ایمانلر
بوا اکثریتک متانت شدیدۀ اتحادیه سی قارشونده متحیر
قالملر حتی بسبتون ظاهر پرست اولانلر بر در لواسباب
معنویه سی ادراک ایدمه دکاردن مجلس مبعوثانک خارجنده

مؤثرات جبریہ نک وجودنه احتمال و بره جک و شو
صورتله بویله برهیت محترمنک سرستی و جدانیسی
شابه دار ایدمه جک افتارلر ده بیله بولنملشدر . عالم خلقتک
شئونات عمومیه سنده مندیج اولان حکم واسبابی ظواهره
حصر و تخصیص ایدنلر : استکشاف حقائق امرنده
دائماً جهالت وضالته مغلوب اولملشدر در مقتضای عرفان :
حقایق اشیا به ظاهراً و باطناً ایکی کوزله نکران اولمقدرد
هرایکی جهته متساویاً عطف انظار ایلیانلر : لسان
تصوفده (ابوالعینین) کنیه سیله تجلیل ایدلمشدر .
مجلس مبعوثانک کشادندنبرو بر رابطه قویه ایله
همدست اتفاق اولان اتحاد و ترقی فرقه سنک تشکلات
ابتدائی سنده اعمال فکر ایدیلنجه اولان توحید افکاری
تولید ایدمه جک اولان مناسبات متقابلۀ نک تحریسندن
باشلامق لازمدر شو لزوم ضروری نک تعیننده یالکیز
ظواهر احوال تبع ایدیله جک اولورسه سلسله محاکمات
بر نتیجه کامله به منتهی اولامه جی آنفاً تفصیل ایدلمش
وفرقه بی تشکیل ایدن ذوات آراسته اکثریتی اعتباریه
اتحاد افکاری استلزام ایدمه جک معارفه صوریه نک تقدم
ایتمدیکی کوسرتمش ایدی حالوکه تحری حقیقت ساحه سنده
براز معنویات طوغرو اعتلا ایدیلر سه باشقه درلو بر
معارفه نک ، بر معارفه کامله غیبیه نک شاهد زغنا
روحانیتی عرض جمال نورانیت ایدر .

انسان دینیلان خلاصهٔ تکوین و خلقت بر جسم ایل
احادیث شریفهٔ نبویهده بیان بیوردینی اوزره اوجسمدن
بیکارجه سنه اول تقدیر بیوریلان روحک مجموعندن
عبارتدر بوتون ادراکات وملکات انسانیه ایسه روحک
خصایص عالیه سندندر افکار آراسنده مناسبات اتحادیهنی
تحری ایدرکن اولافکارک مابالقیسمی اولان ارواح
آراسنده اوماناسبات متقابلیهنی تحری ایتلیدر . بنابرین
اجسامک خلق وایجادندن مقدم ارواح بشریهنک ادراکات
وخصایصیه برابر آرامگاه معنویسنده همبزم تعارف یاخود
یکدیگریله روگردان تحالف اولدینی و بوعالده ظهورایدن
اموری او آرامگاه معنویهکی شئونلک آثار متجلیهسندن
عبارت بولندینی (الارواح جنود مجنده فاعارف منها
اشلف وماناکر منها اختلف) حدیث شریفیه ثابتدر .
ایشته بوکون لایتنزل بر اتحاد مکمل ایله مجلس
مبعوثلک اکثریتی احرازایدن فرقهنک تجلیاتظاهرهسی :
عین صورتله اوعالم علویه سبقت ایلیان مناسبات حقیقیه نلک
آثار باهره سندندر .

علمای اعلام و عرفای دین اسلام حضراتنک بو
حدیث شریفک معنای لطیفنده شهود و مکشفه ایله بیان
بیوردقلمی اوزره او مشهد روحانیده رو برو بولنانلر
عالم جسمانیده همبزم اشلاف اولش و برعکس اولانلرایسه
دائماً یکدیگریله اختلاف ایشددر .

حیات دنیویه مزک احوال عمومیهسی نظر عرفان
ایل تدقیق ایدیلیرسه هر آن بو تعارف روحانیدن تسلسل
ایدن شئونلک مختلفه نلک جلوه نمای ظهور اولدینی کوریلیر .
اصلاً ملاقی اولدیغمز ذوات ایله ایلک ملاقاتمزد دفعه
بر انجذاب و محبتک یاخود بر اشمئزاز و نفرتک حصولنه
دقت ایدیلیرسه بو احتیاسات متخالفه نلک احوال سابقه
روحانیدن منبعث اولدینی اکلاییلیر . هر بر انسانک
افکار و مطالعاتی روحانیت ذاتیه نلک اوصاف و خصایصندن
اولغله مناسبات قدیمه روحانیه ایله وایمندن تعارف اولانلرک
لدی الملاقات بک آرزو بر زمانده فکرآ اتحاد ایتلمی ایسه
بر امر ضروریدر . فلهدذا اتحاد و ترقی فرقه سنک

ایضاح و تفصیل

تصوفک دردنجی نسخه سنک (جهاد اکبر)
عنوانلی مقاله سنده هر بر طالب حق و حقیقتک بر مرشد
کامله لزوم اتسابی خصوص سنده بسط ایدیلان مباحثات
آره سنده اکابر سادات صوفیه دن ابو حمزه و جنید
بغدادی حضراتنک علوم و هییهده حائز اولدقلمی کالات
معنویه نلک عظمای ائمه شریعتندن امام احمد بن حنبل
وامام احمد بن سریق شافعی حضراتی طرفندن تسلیم
و اعتراف بیورلمش اولدیغنه دائر اجمالاً اشارت ایدلمش
ایدی . دین قارداشلر مژدن براهل محبتک یازمش اولدینی
بر تذکرده اشارت مذکورنک ایضاحی التماس بیورلمش
اولدیغندن تفصیلات آتیه نلک تحریرنه لزوم کورلمشدر :
ائمه اعلام و مشاهیر اسلامک تراجم احوال
سنیه لرندن باحث اولان کتب معتبره عیدیهده بیان
بیورلمش اولدینی اوزره ابو حمزه محمد بن ابراهیم بغدادی
حضرتلری اوچنچی عصر هجری رجائندن و سری